


Edizione diplomatica

[139rb]

 https://letteraturaeuropea.let.uniroma1.it/sites/default/files/Chansonniers_provencal_Vetran_3794_bv1b6000427c_1.jpg	Raimbaud dorenia A Mics en gran cosirier. sui per uos e en grieu pena. e del mal qieu en sufier. non cug qe uos sen tas gaire. doncs per qeus metes amaire. pos a mi laissas tot lo mal. qar amdui no partem p(er) egal. D On amors ha tal mestier. pos .ii. amics en cadena. qel mal qan e la legrier. sen chascus so illes ueiaire. qieu pens e no sui gabaire. qe la dura dolor coral. ai ieu tota a mon cabal. A Mics sac ses un cartier. de la do lor quem mal mena. ben uiras mon en conbrier. mas nous cal del mieu dan gaire. qe qan no men puesc estraire. c(om) qe man uos es comunal. an me ben o mal atretal. D Onna qar ist lauzengier. qe
---	--

[139va]

	man tout sen e alena. so nostr angoissos gerrier. lais inen no per talen uaire. qar nos son p(re)s qab lur braire. nos han basti tal ioc mortal. qe no iauzem iauzen iornal. A Mics nul gratz uos refier. q(ua)r le mieus ditz uos refrena. de uezer me qeus enqier. e si uos fas plus gardaire. del mieu gez ieu non uueilh faire. be us tenc per sobre plus leial. q(ue) no son cil del ospital. D Onna ieu tem a sobrier. qaur perdi uos en arena. qe p(er) ditz de lauzengier. nostramors tornes en caire. per so deg te ner en gaire. trop plus q(ue) uos per san marsal. qar es la res qi plus mi ual. A Mics tan uos sai aleugier. en fach damoroza mena. q(ue)z ieu cuidi de cauallier. siaz deue(n) gutz camiaiye. e deg uos o ben retraire. qar ben pareis qe pensas dal. pueis del mieu
--	---

[139vb]

	pensamen nos cal. D Onna iamais esparuier. no(n) po(r)t ni catz ab serena. sanc pueis qem des ioi entier. fui de null autran qistaire. ni no sui aital bauzaire. mas per enueial deslial. mo aleuon em fan uenal. A Mics creirai uos per aital. qai sius aia totz temps leial. D Onna aissi maures lial. qe ia mais no pensarai dal.
---	--

- letto 706 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1168>